



FASIN BLONG FULMAP FES KOMUNITI ASSESMENTEN FOM





Contact

Nasionol Disasta Menajemen Ofis (NDMO)

Phone [\(+678\) 22699](tel:+67822699) **Mobile** [\(+678\) 5680710](tel:+6785680710)

Email ndmo@vanuatu.gov.vu

Post NDMO, Private Mail Bag 9107, Port Vila, Vanuatu

Hanbuk ia NDMO i mekem blong helpem ol man we bae oli mekem komuniti damej asesmen.


Hanbuk ai bae i eksplenem ol ki tinktink blong save huia mo haonoa blong fulmap ol fom blong NDMO long komuniti livol stret afta long wan disasta.

Hanbuk ia hemi edit las wan long Julae 2016

Samari

WATAEM YUMI NIDIM WAN ASSESSMEN	2
HUIA BAE I MEKEM OL DAMEJ RIPOT	6
HAONAO BLONG FULMAP FOM IA?	8
OL TOKTOK BLONG ASSESSMEN?	10
SENDEM OL INFOMESEN	12


WATAEM YUMI NIDIM WAN ASSESMEN?



Assesmen insaed long disasta saekol

Damej assessmen I happen stret afta wan disasta. Fo-lem saes blong disasta I save gat fulap assessmen. Samfala oli kwik taem mo general samfala oli teknikol.

Assesmen proses folem ol kaen disasta




Fes Komuniti Assessmen

NDMO i mekem wan fom blong mekem se i isi blong mekem assessmen blong ol damej blong komuniti mo blong ol hoashol.

Sapos I gat ol bigfala damej we komuniti ino save lukluk long hem bambae komuniti i mas fulmap wan fom olem blong karem sapot long otoriti.

MAS FULMAP LONG 1 DEI AFTA LONG DISASTA



MANAGEM KOMUNITI EKSPEKTESEN!

Gavman i no save rispons long ol smolsmol disasta, mekem se i gud blong yumi askem sapot blong gavmen sapos nomo yumi rili nidim. Sapos no bambae yu mekem assessmen mo afta bae neva gat rilif blong hem.


Gud ia nao we saeklon i spolem ol banana blo mi, mi les blo kakai ol samting ia! Olsem bae yumi kakai raes fastaem!



HUIA BAE I MEKEM OL DAMEJ RIPOT?


Jaeman blong eria kaonsil

Oli mas pat long proses from oli lidim komuniti. Sapos i gat ol CDCCC insaed long komuniti bambae oli wok tugeta.




OL CDCCC

Hemi stret risponsabiliti blong olgeta blong mekem ol assessmen ia. Bae oli mekem wetem jif tu. Sapos i no gat CDCCC, ol Eria Kaonsel Sekretari bae oli save givan.



OL ERIA SEKRTARI KAONSEL


Sapos I no gat CDCCC mo sapos ol jif oli no tren blong mekem demej assessmen, ol ACS oli save karemaot assessmen. Sapos olsem bae sam NGO o Red Kross bae oli givan



YUMI MAS TREN BLONG MEKEM ASSESMEN!

Sapos yumi no putum ol stret infomesen insaed long fom bambae I had blong gavmen I stap givan long stret nid blong ol man. Bambae I save kosem bigfala disput long komuniti. Mekem se yumi mas tren fastaem long fom ia!

Komunikasen Strakja BLong asesmen



HAONAO BLONG FULMAP FOM IA?

Fes komuniti assessmen hemi wan fom blong NDMO blong ripotem ol damej we I hapen STRET AFTA LONG WAN DISASTA.

4 PAT insaed long fom ia


PAT 1: INFOMESEN BLONG KOMUNITI

PART 2: INFOMESEN BLONG SEKTA MO KOMUNITI

PART 3: INFOMESEN BLONG WANWAN HAOSHOLD


PART 4 -SENDEM OL INFOMESEN

PAT 1 & 2: KOMUNITI INFOMASEN (PEJ 1-5)



Mit wetem sam difren komuniti lida o grup blong askem ol difren kwestin. (Olsem infrastruktra, helt, wota, kakae, proteksen, mo komunikasen).

KOMUNITI MITING




Wokabaot iko tru long komuniti blong lukluk ples blong faena-maot ol efekt blo disasta.

PAT 3: HAOSHOL PAT (PEJ 6-7)



Go jekem evri haoshol long komuniti blong save sapos oli kasem damej. **BAE YU PUTUM INSAED LONG TABOL BLONG FOM IA**

DOA TO DOA



NOMO OL HAOSHOL WE OLI AFEKT, WE OLI KASEM DAMEJ.

RIPOTEM OL MAN WE I MUV FROM DISASTA!



Sapos I hapen se sam famili we oli nomo gat haos oli muv I kam long vilij blong yu, bambae yu save fulmap PAT 3 wetem name blong olgeta mo tikim "SLIP LONG WAN DIFERENT PLES". Olsem yu save ripotem igo lo ACS mo gat sapot.

OL TOKTOK BLONG ASSESMEN?

Damej

Hemi ol samting we wan hazat i jes spolem. Hemi save ol samting blong wan wan famili (haos, Karen...), o blong komuniti. Hemi tu ol kil we ol man oli kasem.



Blong mekem se i simpol bae yumi usum 2 kaen damej:

Smol damej: half damej nomo, i minim se yumi save usum yet. (exampol: *Smol das ruf i kamaot, banana foldaon*)



Bigfala damej: Hemi fuli damej, mini se yumi nomo save usum fastaem. I nid blong fixim o mekem bakenken. (exampol: *wan ol wol o ful ruf blong men haos blong slip i kamaot*)



Smol kil we wan man I mekem fes eid long hem



Smol kil o Sik: Hemi taem komuniti i save mekem fes eid long man we i kasem smol kil o sik ia.

Bigfala kil: Hemi taem komuniti i nomo save helepem man we i kasem problem mo I nid blong karem I go long hospital.

Disasta Komiti i givan ol NDMO blo rispons long disasta ia



Rispons

Ol aksen we ol man oli stap mekem blong mekem se oli save stap fastaem (mekem wan tamporari selta, lukaotem kakai...). Gavman ol NGO oli save givan long komuniti sapos oli no save rispons olgeta wan.

Haoshol hemi ol famili we oli kakai long wan kitjin nomo



Haoshol



Taem gavman i givan fulap taem i stap tagetem ol haoshol. Haoshol hemi ol famili we oli kakai long wan kitjin nomo.

SENDEM OL INFOMESEN

STEP 1. KWIK RIPOT



Taem yu fulmap ful fom finis lukautem ol infomasen we oli makem wetem * mo raetem ol ansa insaed long grae bokis daon:






SENDEM KWIK RIPOT ia long 1 DEI

igo long ERIA KAONSEL SEKRETARI o PROVINS

- **Tekstem mesej** ia olsem example ia
- **O Usum fone / teleradio.** Taem yu toktok hemi impoten blong talem namba blong kwesten festaem, afta talem ansa olsem exampol andanit ia:



“Q1. Saeklon; Q8. Efate; Q11. Mele; Q32. 50 man; Q35. Yes; Q39. 10 dei;”

- Sapos i no gat komunikasen nating go long step 2 wantaem.

STEP 2. FES KOMUNITI



SENDEM ful ripot blong “FES KOMUNITI ASESMEN” long 3 DEI

igo long ERIA KAONSEL SEKRETARI o PROVINS

NOTE



A series of horizontal dashed lines spanning the width of the page, providing a template for writing.

